

SOCIAL



Ariba e foto aki por mira chef de cuisine nobo di Concorde hotel, Luis de Sousa cu ta bini di Funchal, Portugal y cu recientemente a drenta servicio di e hotel. Chef de Sousa ta casa y tin 2 yiu, y ta papia portuguez ingles, spaño, frances y tambe papiamento.



Awe ta cumpli un año mas di bida sra. JULIANA STRIJDHAFTHIG—THIEL cu ta ricibi masha pabien di su yiunan, suegra y suegros, nieto y nieta, bisanietanan, tanto familiar na Aruba como na Hulanda y di DIARIO.

DEVENZIO STARS A HUMILIA DON BOSCO

ORANJESTAD(AAN)—Den e wegá amistoso internacional entre e equipo bishitante di Estados Unidos, Devenzio All Stars y Don Bosco, e bishitantenan a humilia e equipo Don Bosco ganando cu diferencia di 100 punto.

Den promé parti di wegá caba Devenzio All Stars a tuma ventaha amplio y a termina na sosiego cu score di 60 pa 20.

Den segundo mitar di wegá, Don Bosco a anota solamente 18 punto mas mientras cu Devenzio All Stars a sigui aumenta su ventaha y a termina e wegá gana cu score di 138 pa 38.

Randy Wiel a anota 37 punto pa e bishitantenan y Clyde Burke a anota 20 pa Don Bosco.

Mañan anochi Devenzio All Stars ta topa cu Panama rebels reforza cu Igmar Davelaar, Pete Coco y Troy Nedd.

E promé wegá lo ta di damas entre Don Bosco y Connie francis.



NO MISHI
CU E
VENENO
CU YAMA
DROGA.

GRUPONAN MUSICAL CLA PA LONG PLAY NOBO

ORANJESTAD(AAN)—Tin varios grupo musical di nos isla cu ta cla pa graba longplay y ta sperando re-apertura di Aruba Recording Studio, pa cumenza grabamento.

DIARIO tin entendi cu ya tin varios grupo cu ta completamente cla pa djies drenta studio pa haci nan grabacionnan, mientras cu otronan falta preparacion di algun numero musical pa completa nan repertorio pa longplay.

E informacion aki a ser confirma na DIARIO pa Sr. Antonio Lacle, kende ta masha orgulloso di lo cual a ser logra cu e remodelacion di Aruba Recording Studio. El a duna di conoce cu e promé prueba nan pa grabacion ariba e 24 canalnan a ser haci masha exitosamente, y asina cu e tecniconan bini cla cu e instalacion completo manera debe ser lo tin e reapertura oficial.

E studio ta consisti awor di varios seccion aparta di manera cu musiconan lo ta aparta den un hokki y conhuntamente conecta tecnicamente nan por haci nan grabacion, sin cu un instrumento of musico lo por stroba otro.

Camber tecnico, ta aparta di e divisionnan, y tambe tin un division special unda ta ser haya e drumset ultra moderno, cual ta uno cu masha poco pais tin pa grabacionnan of pa agrupacionnan musical. E drumset aki tambe ta conecta ariba equipo electronico di manera cu lo por controla tambe su sonido. Banda di entrada di e Studio tin construi tambe un cushina chiquito, di manera cu musiconan cu ta pasa oranan largo den Studio lo por prepara nan pasabocanan, y refresca nan mes.

DIARIO ta spera di bini cu mas informacion di esaki e dianan venidero.

CLINICA PA COACH Y LIDERNAN

ORANJESTAD(AAN)—Dick Devenzio lo tene un clinica di basketball na APA pariba di Elmar diaviera atardi pa 6 or. Tur coach di basketball y tur lider ta invita pa tuma parti na e clinicanan aki.

Manera ta conoci actualmente Dick Devenzio ta na Aruba cu e equipo Devenzio All Stars y sigur ta cu varios di e hungadornan di e equipo tambe lo ta presente pa participa na e clinica.

AUTOBOM A EXPLOTA MATANDO DEGENAS DI HENDE

BEIRUT—Den e bario cristian oost di Beirut un explosion enorme a tuma lugar ayera matando por lo menos 50 hende, entre nan 15 mucha di school, mientras cu mas di 100 otro persona a keda herida.

Segun testigonan e explosion tabata di mas o menos 200 kilo di TNT cu tabata scondi den un auto. E auto a explota causando incendionan masha grandi y destruccion enorme.

Na e momento ey tabata pasando un bus cu muchanan di school y e explosion a manda e bus haltu matando e muchanan.

Automobilistanan cu tabata pasando na e mes momento di e explosion a keda carboniza den nan vehiculo y masha hopi hende a keda dera bao di objetonan y ruinan di edificionan cu a basha den otro. Otro victimanan den e bario cristian Sin El Fin, no por a bandona nan hogar cu a sufri dañonan enorme. Hopi a perde nan bida den ruinan.

Mas di 10 edificio a keda destrui y tambe mas di 50 auto a sufri dañonan. Hospitalnan tabata haci apelacion ariba comunidadnan pa duna sanger. Na mes momento cu ambulancenan tabata transportando hendenan herida y morto, e ciudad tabata ser ataca tambe cu raketanan y varios granada di mortero. Segun emisornan cristian, responsabelnan pa e atentado aki ta e guerilleronan druzo cu ta den ceronan oost di e capital Libanes.

Fam. Ras & Thiel

y
Fam. Heymering & Luidens
ta anuncia matrimonio di

Renny Randolph Ras

y
Marlene Heymering

Cual ta tuma lugar
Dia 23 di mei 1985
pa 11.30
na Hulanda.

Herhaalde en laatste oproep
HET BESTUUR VAN DE

*Stichting Protestants
Christelijk Onderwijs
Aruba*

roept hierbij sollicitanten op voor het vervullen van de
functie van

Hoofd Kleuterschool

Sollicitanten dienen belijdend lid te zijn van een
PROTESTANTS KERKGENOODSCHAP

Sollicitaties met ALLE gegevens, curriculum vitae en zoveel
mogelijk referenties voor uiterlijk 30 mei a.s. te richten aan:
Bestuur SPCDA - Postbus 389 San Nicolas

Herhaalde en laatste oproep
HET BESTUUR VAN DE

*Stichting Protestants
Christelijk Onderwijs
Aruba*

roept hierbij sollicitanten op voor het vervullen
van vacatures per 1 augustus 1985.
Gevraagd:

Leerkrachten Basisonderwijs

Leerkrachten MAVO

("algemene" vakken en scheikunde)
Eerder ingediende sollicitaties blijven gehandhaafd.

Sollicitaties met ALLA gegevens, curriculum vitae en zoveel
mogelijk referenties voor uiterlijk 30 mei a.s. te richten aan:
Bestuur SPCDA - Postbus 389 - San Nicolas